

COMUNA DE ORANE

Provìntzia de NÙGORO

DELIBERATZIONE DE SA GIUNTA COMUNALE

N. 106 De su 02/09/2010	ARGUMEN TU:	Oposizione a s'istàntzia de unu permissu nou de chirca minerària pro sa predamodde e isteatite cramada "S. Elia", presentada dae sa Sotziedade IMI FABI Sardegna S.r.l. - Orane.
-------------------------------	----------------	--

S'annu **Duamigiadeghe** sa die duos de su mese de **Capidanne** a sas **13,00**, in **ORANE**, in sa Sala de sas adunàntzias de sa Comuna subra numenada, cunvocada cun avisos apòsitos, s'est reunida sa Giunta Comunale, cun sa presèntzia de sos Segnores:

PRÈSENTES				Eja	Nono
01	PINNA	Franco	(SÌNDIGU)	<input checked="" type="checkbox"/>	<input type="checkbox"/>
02	CORSI	Daniele	(ASSESSORE)	<input type="checkbox"/>	<input checked="" type="checkbox"/>
03	CORRIAS	Federico	(ASSESSORE)	<input checked="" type="checkbox"/>	<input type="checkbox"/>
04	NOLI	Giuseppina Rita	(ASSESSORE)	<input checked="" type="checkbox"/>	<input type="checkbox"/>
05	ZIRANU	Marco	(ASSESSORE)	<input checked="" type="checkbox"/>	<input type="checkbox"/>
06	NOLI	Ignazio	(ASSESSORE)	<input checked="" type="checkbox"/>	<input type="checkbox"/>

Partècipat su Segretàriu Comunale Dot.ssa **SALE Gianfranca**

Su Sìndigu, cunstatadu su nùmeru ligale de sos intervènnidos, deccarat aberta sa riunione e los invitat a deliberare subra s'argumentu inditadu.

SA GIUNTA COMUNALE :

- **PREMISSU CHI :**

⇒ Est in atu sa publicatzione in s'Albu Pretòriu de custa Comuna de un'istàntzia pro sa cuncessione de unu permissu nou de chirca minerària, presentada dae sa Ditta IMI FABI Sardegna S.r.l. cun Sede in Orane Via Piemonte, 4 , cramada “Sant’Elia”, chi s’agatat, finas, in su terrinu de sa Comuna de Orane;

⇒ Custa dimanda cumprendet totu s’àghera de sas abbas termale de “Oddini”, una risorsa econòmica importante meda pro totu su territòriu e, pro s’isfrutamentu de custu terrinu, una Sotziedade Privada at dae tempus meda presentadu una dimanda de chirca minerària chi est como in fase de cuncessione. Non b’at peruna duda chi sas prospetziões eventuales de chirca minerària pro sa predamodde e isteatite, atas in s’àmbitu de cust’àghera numenada, sunt capassas de compromitere s’istadu de sas abbas suteterra, ca, comente totu sos oranesos ischint cunstatada sa convivèntzia cun sas minieras de predamodde, custas prospetziões si faghent finas chircas profundas meda e, duncas, in gradu de intercetare sas abbas suterraneas;

- **LEADU ATU** chi sa normativa vigente, finas ponende in contu sa possibilidade de cuncessiones de chirca minerària subra su matessi territòriu pro minerales de natura diversa, escludit sa contemporaneidade in presèntzia de condiziões de ostàculu intra sas atividades diversas;
- **RITENNIDU** chi sas atividades de chirca minerària pro sa predamodde e isteatite in s’àmbitu de su territòriu delimitadu dae sa Sotziedade IMI FABI Sardegna S.r.l., cun sa rechesta bida in sa premissa, rapresentat unu dannu chi non si podet ammitere pro sas risorsas idrotermale de sa Zona de “S.Elìa” – “Oddini”;
- **CUNSIDERADU** e datu atu chi su presente provedimentu non sugetu, pro natura sua, a sos pàreres de regolaridade contàbile cunforma a s’art. 49 de su D.Lgs. 18.8.2000, n. 267;
- **RITENNIDU**, duncas, necessàriu presentare opposizione in òrdine a s’istàntzia subra presentada pro sas resones subra inditadas;
- Leadu duncas su pàrrere favorèvole de su Responsàbile de su Servìtziu Tènicu e de su Segretàriu Comunale, manifestos in sa presente;

A unanimidade:

DELÌBERAT:

- Presentare opposizione in òrdine a s'istàntzia de su 02/04/2010 pro sa dimanda de unu permissu nou de chirca minerària, presentada dae sa Ditta IMI FABI Sardegna S.r.l. cun Sede in Orane in Via Piemonte, 4 , cramada “Sant’Elia”, chi s’agatat, finas, in su terrinu de sa Comuna de Orane, a manera chi sos servìtzios cumpetentes regionales de sa R.A.S. no atzetent s’istàntzia intrea, ca sa matessi rapresentat unu dannu pro sas risorsas idrotermales de sa Zona de “S.Elia” – “Oddini”, ivi presente;

A pustis, cun votazione separada:

SA GIUNTA COMUNALE:

A s’unanimitade:

DELÌBERAT:

Rèndere sa presente esecutiva deretu, cunforma a sos Art. 134 – comma 4° - D. Lgs. 267/2000, bida s’urgèntzia de providere.

PÀRRERES MANIFESTOS CUNFORMA A SOS ART. 49 DE SOS D. LGS. 267/2000.

- Si deccarat pàrrere favorèvole in òrdine a sa regolaridade tècnica.

SU RESPONSÀBILE DE SU SERVÌTZIU TÈCNICU

F.to Dr.ssa Gianfranca Sale

- Si deccarat pàrrere favorèvole in òrdine a sa regolaridade tècnica.

SU SEGRETÀRIU COMUNALE

F.to Dr.ssa Gianfranca Sale

MP